



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Summæ Card. Toleti

Minucius, Genesisius

Sammeli, 1613

De irregularitate ex homicidio casuali c. 81. & 82.

urn:nbn:de:hbz:466:1-41701

quod ob secundam committitur. Occidens, vel mutilans ob defensionem inevitabilem vitæ proximi non peccat, sed efficitur irregularis ex defectu. si verò non servavit moderamen, irregularitati addidit peccatum. Ob solam bonorum temporalium defensionem ecclesiasticis personis non licet occidere, nec laicis si res ablata erat parvi momenti, aut aliter res poterat recuperari, quod si non aliter, licite laici occidunt, sed erunt irregulares ex defectu. Religiosi autem ita propria bona defendendo, peccarent, & essent irregulares.

De Irregularitate ex homicidio casuali. Cap. 81. & 82.

Qui operam dat rei illicitæ, qua deinde secuta est mors, siue per se, siue per alium, etiam si sit præter eius intentionem, & nullam prætermiserit

diligentiam, est irregularis ex delicto, quare ludens inhonestè cum prægnate, ex quo sequitur abortus: & dormiens in lecto cum infante, oprimit infansem, vterque irregularis est. Qui verò dat operam rei licitæ, & non adhibita plena diligentia sequitur mors, est irregularis, vt constat de purgante tectæ, & lapides inde proiiciente cum hominis occisione.* Tertia regula est hæc. quando aliquis dat operam rei licitæ, & debitam adhibet diligentiam, non est irregularis, vnde laicus cum clerico ludens, si clericus in terram proiciatur, & laicus clerici gladio vulneretur, & occidatur, clericus non efficitur irregularis quia casus fuit omnino fortuitus, ex iis satis liquet, quod in homicidio casuali, vbi non est culpa, nulla est irregularitas, quia talis actus nihil habet de voluntario. Verum omnis actio illicita, quæ est immediata causa

homicidii, irregularitatem inducit, ut constat de cædente ramum de arbore aliena, ex quo secuta est alicuius mors. tunc enim arborem cædēs fit irregularis. Quando verò ipsa hominis actio non est immediata causa homicidii, sed remota, & non periculosa, nō inducit irregularitatem: ut si quis iocosum verbum diceret, ex quo homicidium sequeretur, talis iocosus non diceretur irregularis.

*De Irregularitate ex homicidio
lingua commisso. Cap.
83. 84. & 85.*

SI non contigit homicidium de facto, nunquam solius lingue homicidium irregularitatem inducit. At si de facto homicidium fiat, tunc lingue homicidium, cōsulendo, mandando, & defendēdo, potest esse voluntarium, aut